



Broj:02-02-895-35/17
Jablanica, 28.11.2023. godine

Vijeće za konkurentnost

Izvod iz zapisnika sa XXXV (35.) sjednice Vijeća za konkurentnost općine Jablanica održane dana 28.11.2023. godine sa početkom u 13:00 sati

Prisutni: Alma Pinjić – predsjednica VZK općine Jablanica, Dženan Mulahasanović – Sekretar organa državne službe Općine Jablanica, Amela Muratović - Služba za LER, investicije, finansije i trezor, Emir Muratović – predsjedavajući OV-a, Adis Šabanović -Savez poljoprivrednih udruženja Jablanica, Kemal Muratović - predstavnik Službe za zapošljavanje HNK – Biro rada Jablanica, Jusuf Maksumić - Restoran Maksumić, Jasmin Hujdur – „Pekara Hujdur“ Jablanica, Zijad Bišić – V.O. „HM“ Jablanica, Martin Zelenika – predstavnik JP EP HZHB Radna jedinica "Elektro-Doljani", Nijaz Ivković- predstavnik JP „EPBiH“ d.d. Sarajevo, Podružnica HE na Neretvi, Jasminka Omanović- Služba za LER, finansije i trezor, Azra Babić- sekretar VZK, Nermin Kovačević- pomoćnik načelnika u Službi za upravu za prostorno uređenje, građenje, zaštitu okoline i stambeno-komunalne poslove, Aldin Širić-pomoćnik načelnika u Službi za opću upravu, društvene djelatnosti, boračko-invalidsku zaštitu, socijalna pitanja i zajedničke poslove, Edin Ćemić predstavnik J.K.P.“Jablanica“ d.d. u stečaju Jablanica.

Odsutni: Damir Šabanović – Općinski načelnik, Elma Bajramović – „Jablanit“ d.o.o. Jablanica, Ramiz Zahirović direktor JP EP BiH - Podružnica Jablanica, Uzeir Zahirović – BH Granit, Amir Džafić – „Voćepromet“ d.o.o. Jablanica.

Predsjednica VZK-a Alma Pinjić pozdravila prisutne i otvorila rad 35. sjednice VZK-a.

Za 35. sjednicu predlaže sljedeći Dnevni red:

1. Izvod iz zapisnika sa XXXIV (34.) sjednice VZK-a
2. Odluka o radnom vremenu trgovačkih, ugostiteljskih, obrtničkih i srodnih djelatnosti na području općine Jablanica - Nacrt
3. Odluka o komunalnom redu - Nacrt
4. Odluka o zbrinjavanju animalnog otpada - Nacrt
5. Tekuća pitanja

Predloženi Dnevni red jednoglasno je usvojen.

Ad. 1. Izvod iz zapisnika sa XXXIV (34.) sjednice VZK-a

Predsjednica Alma Pinjić daje izvod iz zapisnika na raspravu.

Nije bilo primjedbi na Izvod iz zapisnika sa XXXIV (34.) sjednice VZK-a, isti je jednoglasno usvojen.

Ad.2. Odluka o radnom vremenu trgovačkih, ugostiteljskih, obrtničkih i srodnih djelatnosti na području općine Jablanica – Nacrt

Predsjednica VZK-a Alma Pinjić ispred Udruženje privrednika istakla da je Udruženje imalo određene konsultacija vezano za predmetnu Odluku. Jednoglasan je stav je da Odluka treba poticati i promicati zapošljavanje, obzirom da je na području općine Jablanica blizu 1700 nezaposlenih osoba. Fokusrirati se da privredni subjekti dobiju poticaje, te insistirati da svi budu plaćeni i zaštićeni u skladu sa zakonom, te da posluju u skladu sa pozitivnim zakonskim propisima.

Zijad Bišić smatra da se ništa pozitivno nije postiglo sa skraćenim radnim vremenom ugostiteljskih objekata.

Predsjedavajući OV-a Emir Muratović obrazložio korake koje je OV-e vodilo vezano za predmetnu Odluku. Održana je i centralna javna rasprava o nacrtu Odluke, te kada predlagač sve prijedloge razmotri i uzme u razmatranje, OV-e će raspravljati o prijedlogu Odluke. Kad se tiče zatvaranje ugostiteljskih objekata koje vrši PS Jablanica, mišljenja je da se isti ne trebaju zatvarati ukoliko se ne narušava javni red i mir.

Aldin Širić ispred predlagača obrazložio Nacrt Odluke. Istakao da je po Zakonu o ugostiteljskoj djelatnosti određen rad ugostiteljskih objekata do 24 sata. Po članu 12. definisano je da se može podnijeti zahtjev za produženo radno vrijeme, ali pod uslovom da ugostiteljski objekat ima ugrađen limitator-graničnik zvuka.

Dženan Mualhasanović istakao kako su se odobrenja za produženo radno vrijeme izdavala do 2018.-2019. godine. Nakon što je propisano da ugostiteljski objekat mora imati ugrađen limitator, s tom praksom se prestalo, obzirom da niti jedan ugostiteljski objekat na području naše općine nema limitator zvuka.

Nijaz Ivković smatra da bi korisnije bilo mjeriti ambijentalnu buku, nego ugrađivati limitator zvuka.

Predsjednica VZK Alma Pinić predlaže da radno vrijeme ugostiteljskih objekata bude do 24,00 sata. Kad se tiče neradne nedjelje, mišljenja je da 70% zaposlenog stanovništva želi da im jedan neradni dan bude radni dan zbog različitih razloga (odlazak ljekaru, ...). Neradna nedjelja je najgora moguća opcija. Smatra da poslodavcima treba prepustiti odluku o jednom neradnom danu u skladu sa pozitivnim zakonskim propisima.

Jasmin Hujdur istakao da većina zaposlenih na području općine ima jedan neradni dan. Ne podržava prijedlog da nedjelja bude neradna.

Emir Muratović takođe je mišljenja da većina zaposlenih ima jedan slobodan dan u sedmici. Takođe nije za to da nedjelja bude neradna.

Dženan Mualhasanović: čl.8 Odluke je definisao da priređivači igara na sreću (kladionice) ne mogu raditi nedjeljom, dok je Zakonom o igrama na sreću isto omogućeno. Taj član treba sagledati i pokušati iznaći neko rješenje.

Predsjednica VZK-a Alma Pinjić predložila **Zaključak:** VZK općine Jablanica traži da predlagač Odluke usvoji sve primjedbe koje su iskazane kroz javnu raspravu, kao i na samoj sjednici VZK općine Jablanica.

Sa 9 glasova „za“ i 1 suzdržan donesen Zaključak.

Ad.3. Odluka o komunalnom redu - Nacrt

Predsjednica VZK-a Alma Pinjić predložila da se Odluka pokuša pojednostaviti, u smislu da se definiše šta je komunalni red i razdvoji na pojedinačne odluke obzirom da je ovakva kakva je sad preobimna.

Nermin Kovačević ispred predlagača obrazložio Odluku. Motiv za donošenje Odluke bio je definisanje oblasti zajedničke komunalne potrošnje –individualna i zajednička komunalna potrošnje.

Predsjednica VZK-a Alma Pinjić se osvrnula na trenutnu naplatu odvoza smeća za privredne subjekte koja se obračunava po kvadratu, te istakla kako bi se to trebalo mjenjati. Neophodno analizirati kapacitet komunalnog preduzeća, kapacitet administracije, te kvalitet usluge koju dobijemo za plaćeni iznos.

Edin Ćemić predstavnik J.K.P. „Jablanica“ d.d. u stečaju Jablanica dao osvrt na predloženu Odluku. Istakao da cjenovnik odvoza smeća određuje Općinsko vijeće u kojem su definisane kategorije. Osvrnuo se na član 138. Odluke u komunalnom redu u kojoj stoji da se na deponiju ne smiju odlagati uginule životinje, dok u Odluci o zbrinjavanju animalnog otpada stoji da se ostaci animalnog otpada mogu odlagati na

deponiju, te je isto neophodno uskladiti u obe odluke. Kad se tiče Odluke o zbrinjavanju automobilskih guma, iste se ne smiju odlagati na deponiju, već u reciklažno dvorište. Neophodno ulaganje u komunalnu infrastrukturu da bi se komunalne usluge mogle vršiti na kvalitetan i zadovoljavajući način.

Predsjednica VZK-a Alma Pinjić istakla da J.K.P. Jablanica periodično treba odrediti termin kada će se prikupljati kabasti otpad.

Nijaz Ivković ispred podružnice HE na Neretvi smatra da se odlukom neće ništa riješiti sve dok se ne stvore preduslovi u J.K.P. Jablanica da ono posluje i izvršava obaveze na pozitivan i zadovoljavajući način.

Predsjednica VZK Alma Pinjić podržava namjeru da se uredi oblast komunalnog reda. Privrednici insistiraju da se općinska administracija aktivno uključi, te da zajedno sa J.K.P. "Jablanica" definiše resurse, naprave plan, odrede ključne aktere, koliko šta košta, a sve s ciljem uspješnog provođenja ove odluke. Privredni sektor najviše interesuje naplata komunalnih usluga svih vrsta, a u kontekstu isporučene usluge, te je neophodno definisati jednicu mjere koje će biti vrlo precizna.

Ad.4.Odluka o komunalnom redu - Nacrt

Ad.5. Odluka o zbrinjavanju animalnog otpada - Nacrt

Predsjednica VZK Alma Pinjić istakla da se o ovim odlukama razgovaralo i u okviru tačke 3. Odluke o komunalnom redu. Obzirom da su odluke u formi nacrt, biće vremena da se o njima razmatra.

Ad.5. Tekuća pitanja

Predsjednica VZK Alma Pinjić uputila pitanje općinskoj administraciji ispred Udruženje privrednika- da li je općinska administracija radila bilo kakva istraživanju o mogućnostima poticanja privrednika, unapređenja saradnje, rezultatima poticaja koje dodjeljuje Općina Jablanica, itd.?

Aldin Širić ispred Službe opće uprava istakao da nadležna služba nije radila nikakva istraživanja.

Amela Muratović ispred Službe za LER, finansije i trezer istakla kako su Programi poticaja MSP ponovo stavljeni u Program rada Općinskog vijeća za 2024. godinu. Takođe, navela je da je u izradi Lokalni akcioni plan zapošljavanja za period 2024.-2026. godine. Takođe, dodala da nadležna služba posjeduju bazu podataka o svim privrednim subjektima, međutim nedostaje lice/zaposlenik koji bi se isključivo bavio analizom i ažuriranjem te baze podataka.

Jasminka Omanović ispred Službe za LER istakla da je urađen Izvještaj o razvoju za 2022. godinu koji će se naći na narednoj sjednici Općinskog vijeće iz kojeg se jasno vide određeni podaci, trendovi, preporuke i sl.

Predsjednica VZK Alma Pinjić smatra da je programe poticaja MSP neophodno dobro razmotriti i izanalizirati, obzirom da isti ne proizvode nikakve efekte. Zdravo poslovanje se treba nagraditi, a to se ovim sistemom poticanja i subvencioniranje ne čini. Obzirom da se radi o ozbiljnoj budžetskoj stavci, ona mora biti otvorena tokom čitave godine.

Jasmin Hujdur se slaže sa Almom Pinjić, te takođe smatra da se zdravo poslovanje mora nagraditi.

Predsjednica VZK Alma Pinjić postavila pitanje Općinskom načelniku zašto se nisu u punom kapacitetu utrošila sredstva po oba javna poziva za poticaje?

Sjednica završena u 15:20 sati.

Zapisnik vodila:

Azra Babić

Predsjednica Vijeća za konkurentnost

dr.sc. Alma Pinjić, dipl.ing.arh.